



Broj: 11-19-11-2-3883/24  
Datum: 26.12.2024.godine

Na osnovu člana 43. i 45 stav (2) i (3) Zakona o unutrašnjim poslovima Federacije Bosne i Hercegovine (Službene novine Federacije BiH broj: 81/14), člana 25., 69. i 70. Zakona o javnim nabavkama BiH ( Službeni glasnik BiH broj: 39/14 ,59/22 i 50/24 ), i prijedloga Komisije za provođenje otvorenih postupaka nabavke za 2024. godinu, v.d. direktora Federalne uprave policije, d o n o s i:

### ODLUKU

o izboru najpovoljnijeg ponuđača u postupku Javne nabavke produženje licenci za programe i antivirusnih licenci

1. Prihvata se prijedlog Komisije za provođenje otvorenih postupaka nabavki u postupku Javne nabavke produženje licenci za programe i antivirusnih licenci, te se Ugovor dodjeljuje ponuđaču "MIBO Komunikacije" d.o.o. Sarajevo, prema Ponudi broj: PON-2047/24 od 19.12.2024. godine, nakon provedene e-Aukcije, po ukupnoj cijeni u iznosu od 9.330,00 KM bez PDV-a.
2. Po okončanju roka za žalbu Ugovorni organ će pozvati izabranog ponuđača radi zaključenja Ugovora.
3. Obavezuje se ponuđač iz tačke 1. ove Odluke da u roku od 5 dana od prijema ove Odluke dostavi dokumenta navedena u Tenderskoj dokumentaciji broj: 11-19-11-2-3883/24 od 29.11.2024.godine.
4. Ova Odluka objavit će se na web stranici Federalne uprave policije [www.fup.gov.ba](http://www.fup.gov.ba) u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).
5. Za izvršenje Odluke zadužuje se Sektor za finansije i javne nabavke.

### OBRAZLOŽENJE

Federalna uprava policije je provela otvoreni postupak Javne nabavke produženje licenci za programe i antivirusnih licenci, po Obavještenju o nabavci broj: 1412-1-2-377-3-191/24 od 29.11.2024.godine, objavljenom u "Službenom glasniku BiH" broj:84/24, dana 06.12.2024.godine.

Procjenjena vrijednost nabavke iznosi 10.050,00 KM bez PDV-a.

Komisija za provođenje otvorenih postupaka javnih nabavki je dana 19.12.2024.godine, izvršila radnju Otvaranje ponuda o čemu je sačinjen Zapisnik sa otvaranja ponuda u kojem su uneseni svi elementi predviđeni članom 63. stav 4. i 5., ZJN BiH.

U postupku pregleda i ocjene ponuda za Javnu nabavku produženja licenci za programe i antivirusnih licenci, Komisija je utvrdila da su u određenom krajnjem roku za dostavljanje ponuda za navedenu nabavku pristigle ukupno 2 (dvije) ponude i to Ponuda ponuđača MIBO Komunikacije d.o.o. Sarajevo broj:PON-2047/24 od 19.12.2024.godine sa ponuđenom ukupnom cijenom u iznosu od 10.050,00 KM bez PDV-a i Ponuda ponuđača "FIXIT" d.o.o.Sarajevo broj.191224/NS001-1 od 19.12.2024.godine sa ponuđenom ukupnom cijenom u iznosu od 10.050,00 KM bez PDV-a, kao i da su zaprimljene ponude navedenih ponuđača formalno-pravno ispravne i ispunjavaju uslove tražene tenderskom dokumentacijom, te kao takve za ugovorni organ prihvatljive.

Budući da je za navedenu nabavku predviđeno provođenje e-Aukcije, Komisija se pismeno obratila Sektoru za finansije i javne nabavke radi provođenja iste, te je zaprimljen Izvještaj o toku i završetku e- Aukcije broj:1412-1-2-377/24 od 26.12.2024.godine, iz kojeg proizilazi da je prema konačnoj rang listi ponuđača koji su učestvovali u e-Aukciji, ponuđač "MIBO Komunikacije" d.o.o. Sarajevo, za navedenu nabavku ponudio najnižu ukupnu cijenu u iznosu od 9.330,00 KM bez PDV-a.

Rukovodeći se kriterijem najniža ukupna cijena tehnički zadovoljavajuće ponude, Komisija je u skladu sa članom 70., Zakona o javnim nabavkama BiH, predložila da se za Javnu nabavku produženja licenci za programe i antivirusnih licenci, donese Odluka o izboru najpovoljnijeg ponuđača i ugovor dodijeli ponuđaču "MIBO Komunikacije" d.o.o. Sarajevo, prema Ponudi broj: PON-2047/24 od 19.12.2024. godine, nakon provedene e-Aukcije, po ukupnoj cijeni u iznosu od 9.330,00 KM bez PDV-a, što je konstatovano u Zapisniku o pregledu i ocjeni ponuda od 23.12 i 26.12.2024. godine.

Razmatrajući prijedlog Komisije, v.d. direktora Federalne uprave policije donosi Odluku kao u dispozitivu.

#### **Pravna pouka:**

Protiv ove Odluke može se podnijeti žalba ugovornom organu, Federalnoj upravi policije Sarajevo, u roku od 10 ( deset ) dana od dana prijema ove Odluke.

  
**V.D. DIREKTOR**  
**(Načelnik SKP-e)**  
**GLAVNI INSPEKTOR**  
**Vahidin Munjić**

Dostaviti:

- Sektor za finansije i javne nabavke
- ponuđačima
- u spis